

而言大順者上順天道下順萬民在物無
逆故云大順

道德真經疏義卷之五

道德真經疏義卷之六

趙志堅著

德經

無為章第二十九

儉武章第三十

儻武章第三十一

勝德章第三十二

辯德章第三十三

任成章第三十四

仁德章第三十五

微明章第三十六

為政章第三十七

民之章第三十八

多飲由君稅重過由君上須戒時王
章中三別初明賦役煩重財德俱貧
次明養生過分輕自發天後明
忘生得壽勝使貴生 六句一

民之飢以其上食稅之多是以致

食費用也稅賦斂也百姓飢窮人無財食

者良由君上費用無度賦稅煩多外疲輸

役內無儲蓄故飢也初明國本虛次句出

事有因起後句結成上義

百姓之難治以其上有為是以難治

風教上行入從下化財食不足則爭盜澆

競有餘則姦欺詐偽滋甚故難治也初句

明避之愈密次句明攻之愈巧後句結成

所由下三句二

民之輕死以其求生之厚是以輕死

久遭飢寒常憂不足所以取不以道公罰

私讎養過其極傷生損性雖則人自輕死

終由政化使然故知施教不可有為也下

兩句三

夫唯無以生為者是賢於貴生

賢善也無以生為者謂忘生也多食厚養

速致其死唯此忘生之士勝彼貴生之人

忘生而生存善莫過此故謂之賢也

人之章第三十九

不死柔弱為能前既厚養忘生此又
堅強入死同氣相類所以次之兩別
前翁說堅強入死柔弱出生後
結說明強不及柔弱 五句一

人之生柔弱其死堅強

生有和氣則筋骨和柔及其死和氣去身

則肢體堅硬舉死對生以明柔弱勝強

勇者劣

萬物草木之生柔脆其死枯槁

言萬物者兼通有識人及草木氣絕體並
堅強生全形例柔弱此喻說也下六句二
故堅強者死之徒柔弱生之徒

夫堅剛之性無往不為或剛勇凌人或強
奪潤己志唯在得無所怯懼雖危必履縱
強亦凌此謂行屍之人與死者為類行柔
弱者身雖未免於死行與長生者同此當
正說

是以兵強則不勝木強則共

此舉兩事為證兵強者眾來攻之故滅而
不勝也木強者泥瓦壓之故折也

故堅強居下柔弱處上

兵強者眾攻之力強者眾伏之故居下柔

弱者德之至身危則眾濟體和則眾推故

處上也

天之章第四十 前明去強取弱示是
得生之方此明舉下
抑高今得中道之要前盡後妙所以
以之四別初舉明道務從中適法
明天以謙益人以盈損三明損已益
物有道方能四明聖智忘功務藏名

述一六

天之道其猶張弓高者抑之下者舉之有餘
者損之不足者與之

天道玄遠人莫能知舉喻張弓今凡共解
但弓之為用貴在其調調與不調張而後

見牽挽縱捨規其調不調把處高抑令下
把處下舉就高上力有餘損去木下力不

足加以筋上下均強弱等方有弓用為政
之法理合如斯修造舉真亦當則此高下
喻貴賤有餘不足喻貧富或云弛弓之時

兩稍外曲把處凸高張之時則兩稍內高

把處隆外以為高下若然者亦如過猶不
及何則弛便面高張則背高終當不平又
非恒久故未合天道下六句二

大之道損有餘補不足人之道則不然損不

足以奉有餘

自然之理空無所有有餘則損似若有情
勢數必然莫知所以聖人以為信實引作
明戒人能損已有餘補人不足者上合天
道損人不足奉已有餘者行人道也二行

邪正相去遠矣下三句三

孰能有餘以奉天下唯有道者

誰能損已有餘以奉不足之人凡皆不能
唯當慈悲善人有道君子方始能之下四
句四

是以聖人為而不恃成功不處其不欲見賢

示見也賢能也為者則損有餘者前勸損

已濟物因恐恃功故引聖人示其軌範今
有濟物功而心不處施為開導而德不恃
者不欲使名彰也高人達士所以惡賢能

之名者一為恃德矜名未堪入道二為名

下有利長偽生貪損無益有天所誅也

天下章第四十一 前明天道平均損
多益少此明水計
柔弱利下攻強非剛是柔義味為法
有三則初明以柔破剛在周易法
明理事昭爾人不知行後明察
非致福愚人不信 五句一

天下柔弱莫過於水

萬物之中至柔至弱者無過於水此明水
體使為道者法之

而攻堅強者莫之能勝其無以易之

堅強者山石之類水之為用穴石崩山餘

物不及體則無累用則有功體用兩能在物無易此明用也在人堅強者煩惱也柔弱者道心也欲破煩惱唯有道心能之不可以他物代易下四句二

故柔勝剛弱勝強天下莫能知莫能行

剛謂煩惱為道心所銷故心勝也人我強梁被柔弱之行摧伏故強劣也此皆目驗可見眾不能知者愚也或有知而不能者無信心也下六句三

是以聖人言受國之垢是謂社稷主受國不祥是謂天下王

老君引古聖法言以勸今垢謂惡言謗語不祥謂非罪加身則萬方有過在余一人是也為下柔弱志在謙虛而能容受垢謗故得位居公侯為社稷之主能受不祥其德彌大得為皇帝主六合欽風其道學之流虛懷若谷近為人天化主遠則真聖法王

正言者及
向說柔弱攻堅受垢而為王者皆是合道

正言信實非謬但為常流所聞將似反俗

和大章第四十二 前明化用柔弱忌垢為王此明王德

無為大德不起前既物歸後須養物章中三別初明有德能和未若今德不起決明行道如契自不生後明天道無親終符有善三句一

和大怨必有餘怨安可以為善

和猶消停也大怨被殺傷也衣食足知禮節彼此有怨良為不足不足則偷奪殺傷怨怨相次怨懷雪恥必圖報復殺期誓得以快其心使甘辭善說暫得和銷怨報不行怨心猶在夫此怨雖息後怨更起天下

至廣怨讎巨多欲使善辯之流家到戶至以此和釋何可為善者令天下大同則無怨可和此為善也然唯明主之德能乎其有修身者欲出生死宿怨患累新添者必須心處無為身行無事則得本怨永斷餘

怨不作用此和怨可謂善矣下五句二
是以聖人執左契而不責於人

契信也古者未有文字刻木為契雄雌兩合左雄君執右雌臣執用為政化其法若當則天下如一彼信此信秤斗不行入親

我親愛敬無二強不陵弱貴不欺賤則何以生故明王之在上要觀風俗人有鬪爭察其所由知從上來革其契令罪在於己不責於人言人者則有大怨者也身自修行者以道養生無為保性人有怨已但自責躬不敢怨天尤人傍及神鬼

故有德司契無德司徹

徹猶失也有德之君見人有過但自伺察已法不當而不罪責於人無德之主唯知伺人過失不知人過之由已故罪責於人而不責已下兩句三

天道無親常與善人

天自然也無親謂平等也善人則適及君臣萬姓人能有過責已虛淡無為則自然之道與已符合雖則執左契如契得無怨未若行大道者不立契而無怨且鬼神暗伏况人倫乎

小國章第四十三 前明善與道同人

臣合上下無為前猶執契辯怨此便有法不用從蠶至妙所以次之三別初明君臣有道人物安全次明人安所居樂道知足後明相忘道術不事

往來
六句一

小國寡民使有什伯之器而不用

土境不寬名為小國士庶蓋少名曰寡民為能行道家富人足什伯者家具雜物之大數或什或伯物皆備有無為省事故不用之修身者國身也人六識也言寡小者謙也什伯之器謂伎術伎術可用故云器言不用者為虛忘也

使氏重死而不遠徙君上有道使人欣生惡死以死為難重故不輕入死地周身自足無煩厚積故不遠徙他鄉營求分外若心王有道神識恬和無欲無求惡銷累盡平生小過尚不輕犯况死事若重輒肯身為

雖有舟輿無所乘之雖有甲兵無所陳之舟輿則什伯器具之首舉大言之但云四事舟運於水輿載於陸既為道足於身財足於家無所須求故不乘也甲謂介冑將被身首以禦外敵兵者戈鋒手持以斫刺亦云兵中精最者謂之甲兵修身者昔時

情識剛勇如兵今日柔挺委順若水唯希利物不欲損人儀相則有施用則無故雖有而無所陳也使民復結繩而用之復反本也結繩謂淳古之政也以時言之則古淳而今澆就心言之則道心淳而俗心澆原其始也心欲萌生則變淳為澆心除貪嗜則變澆為淳此則時之澆淳隨心變易如四夫淳素唯資一身無能易俗若使天下還淳時同上古要待有道之主方始得之下四句二

甘其食美其服安其居樂其俗心無嗜欲蔬食自甘志唯儉素裘褐為美所居得悅蓬廬足安樂道無為豈聞風俗下四句三

隣國相望雞狗之聲相聞使民至老不相往來隣國相望為國小相近故目望所及晨雞夜狗相聞明其不遠從小至老經時已久不相往來由其各足道足則無所諮詢財

足則不須借貸至足相忘故不來往也信言不美美言不信信實之言謂名教也夫經法所言當理直說詞質義舉而無虛飾美艷無隱無曲易知易行此其經也巧說美言綺詞句虛陳禍福引誘貪愚雖來淺俗更迷深理此則有華無實非真經也以此信美二文通辯一切名教真偽下四句二善者不辯辯者不善知言內心善言外行心知身行不分辯已知斥異眾入者真善人也若自辯已是唯事非他以利口屈人以多言伏物者非善人也此六句通論學人得失人法真偽求諸精最龜鏡在斯幸遇同心庶留明鑑下三句三知者不博博者不知

信言不美美言不信信實之言謂名教也夫經法所言當理直說詞質義舉而無虛飾美艷無隱無曲易知易行此其經也巧說美言綺詞句虛陳禍福引誘貪愚雖來淺俗更迷深理此則有華無實非真經也以此信美二文通辯一切名教真偽下四句二善者不辯辯者不善知言內心善言外行心知身行不分辯已知斥異眾入者真善人也若自辯已是唯事非他以利口屈人以多言伏物者非善人也此六句通論學人得失人法真偽求諸精最龜鏡在斯幸遇同心庶留明鑑下三句三知者不博博者不知

能知道者知道非言則不可以多言博識
取知則為博溺心翻更迷惑故言不知此
則為知故不博為博故不知

聖人不積
積藏蓄也積有二義一積德二不積樹德
立功積而又積所謂重積德也不積者有
德教愚有財施貧機有堪授已無所借積
言自修不積言利物

既以為民已愈有
既蓋也為施教也愈益也聖人有德無所
悵惜蓋以教人施為教方隨機利物前人
受潤聖德日新故云愈有

既以與民已愈多
以財施貧已益豐有法無狀象至精至微
唯可心神冥會不可持捉故言為也財是
形質可以手度故言與也下四句四
天之道利而不害

天道即自然之道也言其體也空無所有
神妙恍惚語其用也無所不生無所不成
此為利普終無損害

聖人之道為而不爭

聖人者無為上德也聖教微言務存虛已
為而不恃功必推人讓猶不取於事何爭
利則益物為則有功功益無爭虛忘之極
妙與道合德之至也夫心口者爭之具也

天道聖德混沌玄同萬物生成事由天聖
非天不生非聖不成故天道無言廣利生
著視同芻狗終無損害聖有心口而與好
爭者同然則同其相異其用故同心口而
有教異心口而無爭既有天聖名殊須陳

爭害迹異故天言無害聖言無爭若以玄
同言之天道自無爭聖道亦無害應迹設
教故有二名損教歸理寂無天聖天聖之
本既曰無矣爭害之迹豈有異乎一部妙
經事終於此隨立隨遣者意在忘言會道
故以此章結造五千與旨斯意若得則何
言不通夫道者遍暈諸有即有求之終莫
能得有物之外非則無道離物求之又無
得法信知道無不在所在皆無欲有真求
無論方所比見諸家注解多依事物以文

屬身則節解之意也飛鍊上藥丹經之祖

也遠說虛元玉弼之類也以事明理孫登
之輩也存諸法象陰陽之流也安存戒亡
韓非之喻也溺心滅質嚴遵之博也加文
取悟儒學之宗也又俗流繫有非老絕於

聖智僧輩因空嗤李被於家國良由孔乏
采真之務釋無詮道之功徒使竭性力而
揚復名聲珍資而市來福所以坐三隅而
自是擅一曲而曖昧長迷大道終天致感
斯垂爭探理窟角辯虛玄正闢行心傍虧

理物然此經洪源深廣隨用精蘊亦猶大
鳥沖天遐邇同望遠觀如燕近見如鷓北
人視之以為南南方觀之以為北心心既
異造適遂殊今則思去物華念歸我實道
實身得體體坐忘修之有恒稍覺良益故
知不龜手之藥是一漂絮裂地之殊信哉

道德真經疏義卷之六